



### **40 insegnants in lenghe**

A son cuarante i insegnants che à an partecipât ae prime edizion dal master di secont nivel «Insegnâ in lenghe furlane», inmaneât de Universitât di Udin, cu la poie de Agjenzie regionâl pe lenghe furlane. Indreçât a insegnants e a educadôrs des scuelis de infanzie, primarie e secundarie, il master/cors di inzornament al veve chê di furnî lis cognoscis e lis competencis che a coventin par doprâ la lenghe furlane tes ativitâts e tes disciplinis previodudis dai curricula scolastics. La cerimonie di consegne dai atestâts si è davuelte al prin di Avrîl (*te foto i corsiscj*). Il master al è stât inmaneât des facultâts di Siencis de formazion e di Lenghis e leteraturis forestis cul supuart dal Centri interdipartimentâl di ricercje su la culture e la lenghe dal Friûl.